











此箴句句切實俱是格言人主若置之座隅朝夕玩誦警省必無亂亡之禍

大明至公二語為一篇之綱亦是箴規中大議論

篇中下十二个勿字得蓋

張蘊古大寶箴

今來古往。俯察仰觀。惟辟作福。書洪範惟辟作威。為君實難。主普天之下。處王公之上。任土貢其所求。具寮陳其所倡。是故恐懼之心日弛。邪僻之情轉放。豈知事起乎所忽。禍生乎無妄。故以聖人受命。極溺亨屯。歸罪於已。因心於民。大明無私照。至公無私親。故以一人治天下。不以天下奉一人。禮以禁其奢。樂以防其佚。左言而右事。左史記言右史記事。出警而入蹕。天子之居禁衛九重出也警人也蹕警者戒肅蹕止行人。四時調其慘舒。三光同其得失。故身為之度。而聲為之律。勿謂無知。居高聽

臣箴戒之旨

此下品列當

戒之事

壯九重二聯

一言卑宮室

一言菲飲食

此四勿字一

言美色一言

山獵一言貴

異物一言聽

淫聲下四勿

行什其義較

上二聯又是

一格而詞更

跌動人

此四勿言慢

賢拒諫引夏

后魏帝為鑒

系

卷九

一

卑○勿○謂○何○害○積○小○就○大○樂○不○可○極○樂○極○生○哀○欲○不○可○
 縱○縱○欲○成○災○壯○九○重○於○內○所○居○不○過○容○膝○彼○昏○不○知○
 瑤○其○臺○而○瓊○其○室○通鑑外紀紂作鹿臺為瓊室玉門八羅○入○珍○於○前○所○
 食○不○過○適○口○禮天官膳夫凡王之饋珍用人物註稱
 也○唯○狂○罔○念○丘○其○糟○而○池○其○酒○紂為糟丘酒池長夜之飲勿○內○荒○
 於○色○勿○外○荒○於○禽○勿○貴○難○得○貨○老子不貴難得之貨使民不為盜勿○
 聽○亡○國○音○記樂記桑間濮上之音也內○荒○伐○人○性○外○荒○蕩○人○
 心○難○得○之○貨○侈○亡○國○之○音○淫○勿○謂○我○尊○而○傲○賢○慢○士○
 勿○謂○我○智○而○拒○諫○矜○已○聞○之○夏○后○據○饋○頻○起○淮南子記論訓
 禹○當○此○之○時○一饋而十起亦有○魏○帝○牽○裾○不○止○魏志辛毗傳文帝欲徙冀州十萬戶

引詩書為証
應上至公無
私親句意

衡石水鏡之
論直說到精
細處是心學
工夫

視無形聽無
聲是有關聖

古今文苑

卷九

張蘊古大寶箴二

二

唐文

實河南辛毘諫止帝不答起入內毘隨安彼反側如
而引其裾章之遂奮衣不返久乃出
春陽秋露巍巍蕩蕩恢漢高大度撫茲庶事如履薄
臨深戰戰慄慄用周文小心詩云不識不知書云無
偏無黨一彼此於胸臆捐好惡於心想衆棄而後加
刑衆悅而後行賞弱其強而治其亂伸其屈而直其
枉故曰如衡如石不定物以限物之懸者輕重自見
如水如鏡不示物以情物之鑒者妍蚩自生勿渾渾
而濁勿皎皎而清勿汶汶而闇勿察察而明雖冕旒
蔽目而視于未形雖黠纒纒塞耳而聽於無聲
冕而前旒所以蔽明黠纒纒所以塞聰縱心乎湛然之域遊神於至道
東方朔答客難

至末歸重天
下為公句引
開羅援琴事
正以明天下
為公之意太
宗不患不明
而患不公故
末獨收拾至
公意思

之精。知之者應洪纖而效響。酌之者隨淺深而皆盈。
故曰天之經。地之寧。王之貞。四時不言而代序。萬物
無言而化成。豈知帝力而天下和平。吾王撥亂。勘以
智力。民懼其威。未懷其德。我皇撫運。扇以淳風。民懷
其始。永懷其終。爰述金鏡。窮神盡聖。使人以心應言。
以行。包括治體。抑揚詞令。天下為公。一人有慶。開羅
起祝。史外紀湯切造商見野有張網四面乃去其三
面而祝之曰欲左左欲右右不用命者入吾網
援琴命詩。舜作五絃之琴以歌南風之詩一日二日念茲在茲。惟人
所召。自天祐之。易曰自天祐之吉無不利諍臣司直。敢告前疑。王有左輔

右弼前
疑後承

瞿景淳曰名世之見名世之言誠足以鐫金石而勒

鐘鼎

唐順之曰聖人之大寶曰位此篇專箴人主守位之
難蓋唐太宗即位時蘊古在中書省上太
寶箴其詞委曲可示鑒戒

張以忠曰典確精細守位之要實不外此凡爲人三
宜書一通置之座隅

古今文苑

卷九

三

唐世婦人如
徐賢妃之疏
李易安之詞
可稱兩絕
首舉漢武齊
桓以歸美太
宗之辭封禪
更勸之以慎
終如始意詞
意兼至

徐賢妃諫文皇息兵罷役疏

自貞觀以來二十有二載風雨調順年登歲稔人無
水旱之弊國無飢饉之災昔漢武守文之常主猶登
刻玉之符齊桓小國之庸君尚圖泥金之望齊桓泥金檢玉
以告陛下推功損已讓德不居億兆傾心猶闕告成
之禮雲亭停謁亭作佇按五帝禪雲雲三王俾亭未
展升中之儀升中告帝此之功德足以咀嚼百玉網羅千
代者矣。然古人有言雖休勿休良有以也。刻玉泥金升中告成
皆封禪事也功成而能讓此盛德事也欲諫止其守
興作之役征伐之勞故先言其謙挹之德以入之。
初保末聖哲罕兼是知大業者易驕願陛下而難之善

此訊征遠東
糧運艱阻有
風波之危描
寫曲盡

此諫息兵以
秦皇晉武爲
鑒

此諫罷役以
卑宮菲食金
屋瑤臺爲鑒

始者難終。願陛下易之。竊見頃年以來。力役兼總。東
有遼海之軍。西有崑丘之役。士馬疲於甲冑。舟車倦
於轉輸。且召募投戎。去留懷死。生之痛。因風阻浪。往
來有漂溺之危。一夫力耕。卒無數十之獲。一舩致損。
則傾數百之糧。是猶運有盡之農工。填無窮之巨浪。
圖未獲之他衆。喪已成之我軍。雖除兇伐。暴有國常
規。然黷武觀兵。先哲所戒。昔秦皇并吞六國。返速危
亡之兆。晉武奄有三方。翻成覆敗之業。豈非矜功恃
大。棄德而輕邦圖。利忘害。肆情而縱欲。遂使悠悠六
合。雖廣不救其亡。嗷嗷黎庶。因弊以成其禍。是知地

此復諫珍翫
伎巧起端兩

廣○非○常○安○之○術○人○勞○乃○易○亂○之○源○願○陛○下○布○澤○流○仁○
矜○弊○恤○乏○減○行○役○之○煩○增○湛○露○之○惠○妾○又○聞○爲○政○之○
本○貴○在○無○爲○竊○見○土○木○之○功○不○可○兼○遂○北○闕○初○建○南○
營○翠○微○曾○未○逾○時○玉○華○創○制○時太宗得風疾苦京師
盛暑命修終南山大和
廢○宮○爲○翠○微○宮○又○營○王○華○宮○惟所居殿覆以瓦餘皆茅茨
雖○復○因○山○藉○水○非○無○架○
築○之○勞○損○之○又○損○頗○有○工○力○之○費○縱○以○茅○茨○示○約○猶○
興○木○石○之○疲○假○使○和○雇○取○人○不○無○煩○擾○之○弊○是○以○卑○
宮○菲○食○聖○王○之○所○安○金○屋○瑤○臺○驕○主○之○爲○麗○故○有○道○
之○君○以○逸○逸○人○無○道○之○君○以○樂○樂○身○願○陛○下○使○之○以○
時○則○力○無○竭○矣○用○而○息○之○則○人○斯○悅○矣○夫○珍○翫○伎○巧○

語乃古今名
世之言

四語實卅辰

水鑒千百載

後諫臣猶襲

其餘喙

漆器非延叛

之方等語句

法出奇

此與前大業

易衰善始難

終意相應

知之非難數

句即伊訓說

乃○喪○國○之○斧○斤○珠○玉○錦○繡○寔○迷○心○之○醜○毒○竊○見○服○翫○
織○靡○如○變○化○於○自○然○職○貢○珍○奇○若○神○仙○之○所○製○雖○馳○
華○於○季○俗○實○敗○素○於○淳○風○是○知○漆○器○非○延○叛○之○方○桀○
造○之○而○人○叛○玉○杯○豈○招○亡○之○術○紂○用○之○而○國○亡○方○念○
侈○麗○之○源○不○可○不○遏○作○法○於○儉○猶○恐○其○奢○作○法○於○奢○
何○以○制○後○伏○惟○陛○下○明○鑒○未○形○智○周○無○際○窮○奧○秘○於○
麟○閣○盡○探○願○於○儒○林○千○王○治○亂○之○踪○百○代○安○危○之○跡○
興○衰○禍○福○之○數○得○失○成○敗○之○機○故○亦○包○吞○心○府○之○中○
循○環○目○圍○之○內○乃○宸○衷○之○久○察○無○假○一○二○言○焉○惟○恐○
知○之○非○難○行○之○不○易○志○驕○於○業○泰○體○逸○於○時○安○伏○惟○

命不過爾爾

抑志裁心慎終如始削輕過以滋重德擇後是以替前非則洪名與日月無窮盛業與乾坤永大

林希元曰字字珠玉句句藥石漢班姬之流也

茅 坤曰音節響亮讀之鏗然

張以忠曰規切處言言名理識高而詞偉調美而采奇即男子中亦罕可多得

又曰文皇英主也化家爲國光宅天下而好大喜功之志不少衰止益其于持盈保泰之理或未之知也此疏辭理深至箴砭甚切正是對病之藥

糸

卷

大

平平叙起便

沉着痛快

首声其罪

筆端如登真

寫出盡媚之

態

歷數其罪

此尤其大罪

歷暴武氏罪

惡真無容身

之地辭誼嚴

正文氣清響

駱賓王為徐敬業討武曌檄

偽周武氏者性非和順地實塞微昔克太宗下陳會

以更衣入侍泊乎晚節穢亂春宮春宮太子宮也高宗為太子時私于

武潛隱先帝之私陰圖後房之嬖入門見嫉娥眉不

肯讓人掩袖工讒狐媚偏能惑主踐元后於輦翟陷

吾君於聚麀加以虺蜴為心豺狼成性近狎邪僻殘

害忠良殺姊屠兄弑君鳩母人神之所共嫉天地之

所不容猶復包藏禍心窺竊神器君之愛子幽之於

別宮謂廬陵居房州賊之宗盟指武三思等委之以重任嗚呼霍

子孟之不作朱虛侯之已亡霍光擁昭立宣劉章與誅呂氏此二人今無之

許氣甚激

氣憤風雲志
安社稷

連直而氣自
壯有萬夫莫

故中宗廢而驚啄皇孫趙飛燕于後宮有子者皆知
武豐肆耳殺之故有燕啄皇孫之謠
漢祚之將盡龍漿漿音離又音稚水名又涎沫也帝后識夏庭之遽

衰夏后藏龍漿于庭歷世不啓至周時啓之漿流于庭不可已也後宮童妾感之而生女怪而弃之有

賣壓孤箕服者收養之賣于褒人即褒姒也周幽王伐褒褒人獻此女幽王嬖之遂至亡國今以為夏庭

之衰由此敬業皇唐舊臣公侯冢子敬業李世勣子奉先君

不知何謂之成業荷本朝之厚恩宋微子之興悲良有宜也袁

君山之流涕豈徒然哉是用氣憤風雲志安社稷因

天下之失望順宇內之推心爰舉義旗以清妖孽南

連百越北盡山河鐵騎成羣玉軸相接海陵紅粟倉

儲之積靡窮江浦黃旗匡復之功何遠班聲左氏班馬之聲

當之勇而詞
自感慨悲傷

美人之舌烈
士之腸

動○而○北○風○起○劍○氣○衝○而○南○斗○平○暗○鳴○則○山○岳○崩○頽○叱○
咤○則○風○雲○變○色○以○此○制○敵○何○敵○不○摧○以○此○圖○功○何○功○
不○克○公○等○或○居○漢○地○或○叶○周○親○或○膺○重○寄○於○話○言○或○
受○顧○命○於○宣○室○言○猶○在○耳○忠○豈○忘○心○一○杯○之○土○未○乾○
杯音步侯切謂其以手掬之也前漢張釋之傳假如如
愚民取長陵一杯土陛下何以加其法乎字義與此
同六尺之孤何託倘能轉禍爲福送往事居左送往
事居偶
俱無猜共立勤王之圖無廢大君之命凡諸爵賞同指
山河若其眷戀窮城徘徊岐路坐昧先幾之兆必貽
後至之誅請看今日之域中竟是誰家之天下

羅大經曰定大策者潛慮而密謀聲大義者張膽而

明目夫子三都之墮王陵庭爭之語賓王
舉兵之檄亦不可少也

張以忠曰氣激霜雷筆搖山嶽而壯辭美調更琅琅
作金石响洵是奇才

上兗州啓

瓊彫二句言
神采之美霞
煥二句言風
樂之高既而
以下言愛民
之仁至如以
下文言仁中
有義也何等
描畫何等粧
點
何武去後常
見思又廉范
為太守百姓
次日康以去

側聞未過孫陽。鹽車無絕輪之迹。時逢和氏。荆山有
連城之珍。豈若聽清音于爨餘。則枯桐發響。收夜光
于玄壁。則怪石騰輝。在物猶然。況於含識者矣。伏惟
明使君鳳穴振儀。龍門標峻。瓊彫岳立。表秀于雲霞。
煥霜霏登虛鑒。物既而代工。天府忠簡。帝心擁熊軾。
而撫百城。建隼音旗而臨千里。坐棠甘棠敷惠。恩纏
去思。何武去見思剖竹也垂仁。式歌來暮。廉叔度清凝。
夜燭巴祇與客暗飲不燃官燭又皇甫無益為益州
抽佩刀長史嘗夜宿民家遇燈炷盡主人將續之無逸
為炷其廉介如此。化警晨鳥。西漢御史府有烏集庭
樹早暮聚散號朝夕鳥

文苑

卷九

上兗州啓一

唐文

天多

擊甚

蒲鞭不加刑

于赤子竹馬

不失信于兒

童下車而雨

至珠去而復

還皆所以頌

充州之德政

也

秉疑理字之

誤臥理臥治

也避高宗諱

故改治為理

賓王嚴霜秋

降之句不如

改降為殺蓋

殺與濡皆活

字故也

又柳仲邱每遷外勗九農內弘五教導之以禮樂齊

之以刑書約法遵寬設蒲鞭之耻立言惟信控竹馬

之期劉寬以蒲鞭行罰郭伋行部小兒數百騎竹馬

先期一日伋恐負諸甘雨隨車嵩行部雨隨車而注

雲低輕重之蓋珠還合浦徙他處晉孟嘗為守令貪珠

波含遠近之星至如臥理稱難坐嘯匪易披裳

問疾乘愛景以字人褰帷廣聽明帝賜郭賀以三公

以榮穆薰風而扇物嚴霜秋殺叶隼擊而防小人

秋高乃擊月令仲零露春濡飾羔旌而禮君子於是

春命名士禮賢者仁必有勇義不忍欺美譽鬱于三齊芳猷騰於千古

此叙其胸中

之宏富文江

學海二語奇

艷襲人

此頌其禮士

之隆取善之

恕

以下自叙

莎鷄似鯉班

色毛翅數重

其翅正赤六

月中飛而振

羽索索作声

若乃清規遠鏡皎月色于靈臺玄鑒虛凝穆聲風於

智府研機千篋探賸九流緝翠萼于詞林綵綺繡鮮

花于筆苑文江翻浪織玉漱以韜霞學海驚瀾綴珠

鱗于濯錦加以懸榻待士擁篲音瑞禮賢陳蕃待士惟徐孺子至則

設一榻去則懸之燕昭禮賢為之擁篲先驅汲引忘疲獎題不倦懷級味

道之客望範圍之駿奔兼包流畧九流之夫窺義園

以遐集求小善於毫芥顧正禮於二龍振幽滯於沙

泥許明公於一驥賓王淹中故俗體朴厚之弘規稷

下遺昨陶禮義之餘化頗游簡素以閱縑緗每蟋蟀

淒吟映素雪於書帳沙鷄振羽截碧蒲於翰池映雪讀書

截蒲為紙孫康既而學異懷蛟才非夢鳥董仲舒著春秋繁露

成夢蛟龍集其上張驚夢紫文大鳥其祖曰此殆以文瑞朝廷平價不齊於南漢芳

山燦白石爛中有鯉魚長尺半生不逢竟與舜禪短揭單衣纔至

網將謠扣角之詞奮短翮於槍榆至槍榆而止希高

標之餘拂濯纖鱗於涓滴望鴻浪之微霑所冀顧盼

曲流剪拂增價馬經伯樂之顧盼則鈇刀起一割之

用跛鰲致千里之行鈇刀豈無一割之用跛是知竊

混吹於齊竽濫飛聲於郢路郢人歌陽春白雪和者蓋寡拘鷄山

鷄山疑鷄碑之誤丁用晦云智乏鷄碑又異苑曰朱

文繡與羅子鍾友善子鍾死文繡哭之哀亦死文繡

莖於山化為鷄子鍾莖於澗中化為雉哀鳴而自應

以為相

桓公聞之用

漫漫何日且

至夜半長夜

軒黃昏飯牛

揭單衣纔至

竟與舜禪短

尺半生不逢

中有鯉魚長

山燦白石爛

成夢蛟龍集

其上張驚夢

紫文大鳥其

祖曰此殆以

文瑞朝廷平

價不齊於南

漢芳

賓王輕自卑
賤至有希
餘拂望微霑
等語

顧遼豕以多慙

朱浮責彭寵書曰伯通自伐以功爲高天下往時遼東有豕生子白頭異

而欲獻之行至河東見羣豕皆白懷慙而反若以子功論於朝廷則爲遼東豕也

輕觸威顏

不遑流汗謹啓

李廷機曰賓王上兖州啓雕琢工絕當爲諸叙之冠
張以忠曰雋思逸句秀鍊工雅燦然成章

上司列太常伯啓

首教臨特叙
所以仰知
已之意儀天
以下致稱頌
語一頌其基
孤不凡次頌
其才李高邁
三頌其爵位
頌崇四頌其
識度宏遠五
頌其聲榮無
私六頌其虎
懷禮善

側聞魯澤祥麟。希委質於宣父。吳坂逸驥。寔長鳴於
孫陽。孫陽即伯樂是則所貴在乎見知。所屈伸乎知己。故
彫其璞。嶧山有半死之桐。賞其聲。柯亭無永枯之竹。
嶧山之桐。中爲琴瑟。邕過吳。吳人有燒桐以爨者。邕
聞火烈之聲。知爲良木。因請而裁爲琴。名曰焦尾。嘗
經會稽高遷亭。見屋椽竹東。間第十伏。惟明常伯公
六。可以爲笛。取以爲笛。果有異聲。
儀天聳構。橫九霄而拓基。浸地開源。控四紀而疏派。
自赤文薦祉。曲阜分帝子之靈。紫氣浮仙。函谷識真
人之秀。孔子作春秋成天降赤文之瑞。老子西遊將出關。關尹喜望見紫氣。知爲異人。本枝
百代。君子萬年。道叶神交。黃石授帝師之畧。德由天

秀句可愛

卷九

卷九

丑六十四

縱○白○雲○降○王○輔○之○精○峯○秀○學○山○列○三○墳○而○仰○止○瀾○清○
筆○海○委○九○流○以○朝○宗○登○小○魯○之○巖○辨○練○光○於○曳○馬○子孔

與顏回登泰山望吳門問回何見對
日練也孔子曰馬回下山鬚鬢爲白臨大吳之國識

寶氣於連牛豐城寶劍氣連牛斗垂秋實於談叢綯春花於詞

苑辨河飛箭激牛翻白馬之津文江散珠圓波漱驪

龍之穴是用德茂麟趾削桐葉以分珪道暖鶴池映

桃花而曳綬旣而揆爾皇鑒忠簡帝心奉職春宮爍

離光於青殿代工天府明台耀於紫宸綜理玄風燮

諸元氣含暉禮樂皎愛日以流光毓彩文章映德星

而開照君乃識度宏遠器宇疏通明允篤誠盛業降

真錦心綉腸
讀之花光滿
座
明允篤誠惠
和忠肅皆八
元八道中人

借之以譽常伯
此譽其舉士
無私為下文
荐舉張本水
鏡一聯喻其
公而明字眼
安頓得好

於厚土。惠和忠肅。玄功格於上天。則伊陟謝其緝熙。
巫咸慙其保乂。舉才應器。與士無私。水鏡澄花。炫金
波於靈府。冰壺徹鑒。朗玉燭於神機。則鄧攸莫際其
瀾。盧毓罕窺其術。鄧攸字伯道。以孝稱。清和平簡。貞
正寡欲。授吳郡太守。載米之郡。惟
飲吳水而已。刑政清明。百姓歡悅。盧毓字子家。為侍
中立朝三年。多所駁爭。以為史部尚書。舉中書郎。詔
曰。得其人與。故使妍媸各安其分。輕重不失其權。五
否在盧生耳。故使妍媸各安其分。輕重不失其權。五
教克敷。百揆時叙。折衝千里。魯連談笑之功。師表一
時。郭泰人倫之度。倫類也。人倫謂能區別善惡。使清
濁不混其流也。郭有道。素能品題
人加以分庭讓士。虛席禮賢。片善經心。揖仲宣於蔡
席。一言合道。接然明於鄭楷。仲宣王粲字也。粲謁蔡
邕。邕倒屣迎之。叔向

此下自叙末
有異其荐拔
之意

適鄭驥明欲觀叔向從使人之收器者而往一言而
善叔向聞之曰必驥明也下執其手以上然明即驥
明也某蓬廬布衣繩樞韋帶自弱齡植操本謝聲名中

年誓心不期聞達上則執鞭為士王庭希千祿之榮
次則捧檄入官私室庶代耕之祿然而忠不聞於十
室學無專於一經退異譖藏進殊巧宦搏羊角而高
翥浩若無津附驥尾以上馳邈焉難託實欲投竿垂
餌晦幽迹於渭濱抱瓮灌園絕心機於漢渚幸屬乾
坤浩大與觀鳥兔光華嵩山動萬歲之聲德水應千
年之色漢武登中岳聞若有呼萬歲者三秦改河
曰德水蓋水德靈長聖人受命瑞應先見於
河河水為清雖無為光宅欣預比屋之封而有道賤貧耻

工雅更奇爽

此下望其碩
盼有希恩圖
報意氣雖雕
琢而碎猶偉
俊

秀逸而語能
鍊

作歸田之賦於是獨來龔牖利見金門指帝鄉以望
雲赴長安而就日美芹之願徒有獻於至尊蟠木之
姿○鄒陽獄中上書云蟠木根抵輪囷離奇誰為容於
左右明公唯幾成務論道經邦一顧之降駘足○駘駘之足
也逾於仙鹿片言之事魚目軼於靈虵○靈虵所啣珠非
珠○珠也庶望顧兔○月羅箕月離于箕則風動薰風於舜海從龍也
潤礎需甘澤於堯雲則鱣餘之魚希振鱗於吳水膳
後之豕○吳王食鱣棄其餘於江皆化為魚○燕昭王
膳之夕見夢於燕相曰造化勞我以豕形食我以人
穢吾患其生久矣仗君之靈得化為生始得為魯津
之伯燕相游於魯津翻化龜於魯津拜伏堦墀增其
有赤龜捧壁而獻

古今文編
卷八
水谷謹啓

李廷機曰賓王以妙才有聲唐世諸所上啓四六甚
工俱是未經人吐之語

張以忠曰彩薄雲霄聲射金石

王勃滕王閣序

并詩

以詩賦取士故一時四

六彬彬然王

勃駱賓王尤

其傑然者而

勃之英志逸

才具見此篇

此序前人有

賦體之讀今

現其對客揮

毫珍詞綉句

層見叠出真

天才也

披畫洪州勝

槩精彩陸離

此序賓主之

南昌故郡。洪都新府。南昌即洪都星分翼轸。二星楚地接

衡廬。衡山峙立于西南廬山近聯于北境襟三江而帶五湖。江在荊州

湖者太湖在蘇州鄱陽湖在饒州青草湖在岳州洞庭湖在鄂州丹陽湖在閩

庭湖在鄂州丹陽湖在閩控蠻荆而引鄢越。荆楚本南蠻之

州此據其中若帶之垂此物華天寶龍光射

區此控扼之謂其往來道路所通也

接引之謂其往來道路所通也

牛斗之墟。豐城有劍曰干將曰莫邪其龍文光彩直

射于牛斗二星之間雷煥得之張華分其

一。人傑地靈。徐孺下陳蕃之榻。雄州霧列。雄壯鬱葱

馬。人傑地靈。徐孺下陳蕃之榻。雄州霧列。雄壯鬱葱

魚之霧浮。俊彩星馳。俊拔光彩之人物如臺隍枕夷

列于上。俊彩星馳。俊拔光彩之人物如臺隍枕夷

夏之交。正南荆楚東南楊州州之賓主盡東南之美。

亭臺城隍實枕藉于此

會集

賓謂賓客僚屬主謂本州之都督也都督閻公之雅

時宴于此閻者皆東南人物之美者

望。州刺史乃都督之任。榮戟遙臨。戟郡守之儀制。

宇文新州之懿範。宇文鉞新除禮。檐帷暫駐。坐車馬。

者蔽前日檐在旁。十旬休暇。時九月登高若十。勝友。

如雲千里逢迎。高朋滿座。騰蛟起鳳。蛟氣之騰光彩。

文彩。孟學士之詞宗。紫電清霜。節。光輝之發閃如紫電。

王將軍之武庫。家君作宰。路出名區。勃父福疇為交。

洪。童子何知。躬逢勝餞。時維九月。序屬三秋。九月屬。

潦水盡而寒潭清。泥潦之水已盡而。煙光凝而暮山。

紫。夕陽烟光凝聚而。儼驂駢於上路。儼望也驂駢馬。

入已事作過

孟學士必當時坐中人舊

註謂是浩然非也此時浩

然方生初未嘗為李士王

軍謂王濟亦非

永君作宰回

可叙所以躬逢之故畧補

詠

維九月以

下描寫當時

光景

文中自畫

所來訪風景於崇阿阿大陵也謂采訪風臨帝子之

之多滕長洲王得仙人之舊館閣之左右舊館猶今皇華層

巒聳翠上出重霄飛閣流丹下臨無地朱閣之映江

下臨於江上無地鶴汀鳬渚窮島嶼之縈迴江神

之處言皆水也于渚窮極千水中島桂殿蘭宮列岡巒之體勢祠宇

嶼縈曲迴環之處列桂于殿植蘭于宮分列于披繡闥披開也門俯雕

山岡峰巒之間各依其體山岡之深遠者九川澤盱

毫屋棟曰山原曠其盈視山原之深遠者九川澤盱

其駭矚川澤之流注者九閭閻撲地鍾鳴鼎食之家

撲地猶沸地也大家將食必鳴鍾為號皆列鼎而食舸艦迷津青雀黃龍之軸

叙秋景無字

不穩當

接當時閭伯

嶼遣吏伺其

青雀水馬黃龍靈物于船軸之上虹銷雨霽彩徹雲

古今文苑

卷九

王勃滕王閣序并詩二

唐文

又輒報一再
報聞落霞秋
水二句撫掌
嘆曰奇哉

天寓地迥一
聯結前生後
天高句收前
說光景興盡
為主後說命
運以起自叙

衢落霞與孤鶩齊飛秋水共長天一色漁舟唱晚響
窮彭蠡鄱陽之濱雁陣驚寒聲斷衡陽之浦衡山之一
峰名回雁峰遙吟俯暢逸興遄飛爽籟發而清風生
雁不過此秋之爽氣發于萬籟之纖歌凝而白雲遏樂之纖歌凝止于侍
鳴故其清風颯颯而生纖歌凝而白雲遏意其用淇澳
宴之側故白睢園綠竹氣凌彭澤之樽綠竹事以美
雲為之遏畱閻公鄴水朱華光照臨川之筆鄴乃曹操興王之地
之德陳思王詩朱華冒綠
池臨川今撫州王羲之善書嘗為臨川內史四美具良辰美景賞心樂事二難并賢主
嘉窮睇眄於中天睇下視眄斜視窮極極娛游於暇
賓日天高地迥覺宇宙之無窮宇宙之中興盡悲來識
盈虛之有數望長安於日下漢明帝故事指吳會於

之意

此遂調寫愁腸詞甚悲悼

此數聯蓋亦

感已之見點

而歎看來還

有少年英氣

在

此段大意謂

士君子際會

之難唯有安

貧知命可以

勝之庶幾不

遇于今者犹

遇于後不效

阮籍之猖狂

而哭也

雲間地勢極而南溟深

地不滿東南勢極而南溟最深

天柱高而北

辰遠

天傾西北天柱之高而北辰亦遠

關山難越誰悲失路之人

夫

指多岐

萍水相逢盡是他鄉之客懷帝閣而不見奉

宣室以何年

漢賈誼謫長沙王太傅後召見宣室

嗚呼

以下

時運不齊

命途多舛馮唐易老

馮唐漢人白首為郎署與論將帥拜為車騎都尉

武帝時不

李廣難封

李廣武帝時為右北平太守匈奴號為飛虎將軍以數奇不得

能官矣

屈賈誼於長沙非無聖主

絳灌屈賈誼謫為長沙王太傅非無文帝之明

聖

竄梁鴻於海曲豈乏明時

佞臣毀梁鴻逐之於北海豈無魏武帝之明時

所賴君子安貧達人知命老當益壯寧知白首之心

窮且益堅不墜青雲之志酌貪泉而覺爽處涸轍以

讀此數句窮達去就之際

道理瞭然

按莊子云北

溟有魚其名

為鯢化而為

鵬搏扶搖而

上者九萬里

方息註云扶

搖風勢也

已上皆泛言

至此始說入

已事

猶歡北海雖賒扶搖可接

言海雖賒遠而扶搖可至

東隅已逝桑

榆非晚

漢馮異曰始雖垂翅涸溪終能奮翼澠池可謂失之東隅收之桑榆

孟嘗高潔

孟嘗字伯周漢順帝時為合浦太守性行高潔

空懷報國之心

亦不見

阮籍

猖狂

晉阮籍率意獨駕入山徑路車跡所窮輒痛哭而返

豈效窮途之哭勃三

尺微命一介書生無路請纓等終軍之弱冠

南越與漢和親

有懷投筆慕宗慤之長風

終軍年二十餘自願長纓必羈南越王而致之闕下

舍簪笏於百齡

舍去簪笏于百

萬里浪後果為將軍

年富貴之途

奉晨昏于萬里

奉父晨昏定省之禮于萬里之外

非謝家之寶樹

謝玄

為叔父安所器重玄曰譬如芝蘭玉樹使其生於庭堦耳

接孟氏之芳隣

孟母三遷為子

擇他日趨庭叨陪鯉對今晨捧袂喜託龍門

李膺以聲名自

此言遇不過
之異以明已
之得遇閨公
示尊之之詞

已下咏嘆收

拾有寄思之

意即詩所謂

閨中帝子今

何在是也

借蘭亭梓澤

二事形容勝

王閣之宴何

等妥切

字字奇絕

高士有被其容接
者名為登龍門
楊意不逢撫凌雲而自惜楊得意

馬相如後鍾期既遇奏流水以何慚曾薦司

相如遂顯鍾期既遇奏流水以何慚

洋乎若又歎息而勝地不常盛筵難再蘭亭已

矣蘭亭王逸少梓澤坵墟金谷園臨川贈言幸承

恩於偉餞閨中之序王登高作賦是所望於羣公敢

竭鄙誠恭疏短引序一言均賦四韻俱成

滕王高閣臨江渚此句言滕閣高佩玉鳴鸞罷歌舞

言宴罷而佩玉盡棟朝飛南浦雲畫棟朝來飛南浦

鸞之歌舞亦罷象之高也朱簾暮捲西山雨閑雲潭影日悠悠物換

星移幾度秋凡幾春秋矣創置之久有如此者閣

中帝子今何在

歎息此閣猶存而當時帝子元嬰何在蓋傷今而思古也

檻外長

江空自流

欄檻之外渺渺長江空流耳傷其物是而人非也

何如愚曰此序有四長一長於張大形勢二長於體

狀景物三長於頓挫言辭四長於賦詩而

未免有三短全用四六駢麗一短也中間

語意重複二短也鋪叙無倫自叙太多三

短也此其所以爲唐文之初變也

張以忠曰俊彩宏音奇思英筆語語名勝似出風構

匪天才詎易得此

爲人與蜀城父老書

文氣崢嶸文
情爽邁一種

豪宕之神橫

屬無方真可

凌鋒霄漢吐

吞一岳自成

各筆

無一語不占
地步

蓋聞天地作極不能遷否泰之期川岳薦靈不能改
窮通之數豈非聖賢同業存乎我者所謂才榮辱異
流牽乎彼者所謂命是以龍驤鳳翥一作峙伊周成翊
贊之功含糗羹藜顏冉困棲遲之病或先號而後笑
或始吉而終凶事不可量功未必定則知洪濤未接
長鯨多陸死之憂層風未翔大鵬有雲傾之勢池鱗
井鮒音附亦將鼓鱗而輕之田鳩野鸚亦將騫翮而
侮之騫翮頡頏及其衝溟渤接扶搖吹波則江漢倒流
騰氣則虹霓掩日摩赤岸負蒼天然後知其力焉吁

借韓信相如以喻已見窮不足困人奮翻天衢會須有日正非尋尋鑒識所能測度耳

賞士于窮不干達恐世無其人然士生大地實有大資成窮達非所介意也況求識賞于世哉

韓信之無津也。昌亭之一餓夫耳。馬卿之失路也。臨
卽之一食客耳。武不足以服衆。文不足以動時。長劍
屈于無知。韓信洪筆淪于不用。如相泊乎雄圖躡運至尊
納背水之謀。麗藻昇朝。天子賞凌雲之作。威加海岳。
韓信聲振廊廟。如相彼淮陰之俠。少成都之遺老也。又焉
能知遠近哉。是以鑒物於肇。不於成。賞士于窮。不干
達。是知卞和之得玉也。精存於崖谷之間。張華之得
劍也。氣發於星辰之際。夫豈琢磨成器。然後知其寶
剗斷爲能。然後知其用哉。仰惟鄉耆等。並玉山高峯。
金堤勝侶。列子弟于千城。耀衣冠于百代。或以風雲

又借公孫諸
肩以自喻

去國公孫躍馬之年

公孫述

鍾鼎從王諸葛攀龍之日

門庭相接雕甍將綺

棟連陳機杼相和鳳攝將

虬梭交嚮金漿玉饌

隋煬帝曰金漿玉醴東南佳味
唐文樽盈縹玉之酒爵獻金漿

藻而能練故
佳

之食客三千綠幘青裳家僮數百冲襟渺識人多江

漢之靈麗藻華文代有雲泉之氣北齊開敞南館虛

閑詩酒同歸琴書合契忘機得意恥稽阮之交疎虛

席延賓恨原常之客少實烟霞之藪澤風月之津梁

乎劉仲文之遠識不以乾沒詣梁城閔仲叔之高風

不以口腹累安邑雖其已沒生氣猶存况乎屬宇宙

之明當天下之泰不能俯拾青紫高視縉紳攀北極

又借二子說
出已所以不
得已而陳乞
之意意高語
高

又歷借古人
以自喻辭其
激昂意甚高
遠

更以施報動
之何情辭之
汲汲也

而謁帝王。入南宮而取卿相。脅肩側足。求袞鍾釜之
間。低首俛眉。取齊斗升之末。嗟乎。誠下官所以仰天
漢而鬱拂。臨江山而慷慨者也。但時可以未遇。道可
以未行。志願可以未成。功業可以未就。古之才足以
補王業。躡跡屠釣之間。功可以濟巨川。藏身版築之
下。百里奚之負販。陳湯之丐貸。而况於庸者哉。此僕
所以駿奔于顧盼之餘。自致于恩光之末也。且夫精
神所感。尚動神明。意氣相交。豈慙車馬。倘能投心季
子。遙存素紵之恩。援手應侯。先立綈袍之贈。豈人之
情也。能無報乎。方今白藏紹序。朱律謝期。天高而林

忽又振起氣
韻不弱

野踈候肅而江山靜輕蟬送夏驚晚吹于風園旅雁
垂秋動宵吟于露渚絲續成于南畝杭黍被于東阡
時計有儲願履多福下官薄游綿載飄寓淹時歡躋
相仍憂虞日積陟梁鴻之峻岳何暇長謠臨阮籍之
長途唯知慟哭庶憑賙給以濟飄危輕訴短懷佇流
嘉耗

張以忠曰氣韻清雄神情豪邁而驚才軼調往往震
發雖復陳乞而絕無俯仰矜憐之色誠雄
作也

古今文系

卷九

三

蘇頲雙白鷹贊 有序

開元乙卯歲東夷君長白肅脊扶餘肅慎扶餘皆國名而貢

白鷹一雙其一重三斤有四兩其一重三斤有二兩

其皓如練色斑若綵章積雪全映飛花碎點所謂金

氣之英瑤光之精高髻偉臆長距秀頸奮發而銳堅

剛則厲摩天絕海雷擊颺逝觀其行時令順秋殺指

麾應捷顧盼餘雄當落鵬之賞蔑仇鷁之敵實稀代

之尤也皇上祇應聖圖欽若王道方寶賢重穀尊儒

食艾艾者艾也後宮撤綺繡前殿焚珠玉開元二年以上以風俗奢靡以珠

王錦繡焚于殿前后與皇侯卿士朝夕論思異無所

妃以下皆無得服

效狀

議論甚大得
臣子贊頌體

蘇頲雙白鷹贊一

唐文

諷意
證實亦有規

此段回幹得

有他何

貴輕衛公之好鶴

左傳狄人伐衛衛懿公好鶴鶴有乘軒者將戰國人皆曰使鶴遂敗

于熒

奇無所珍同漢皇之卻馬

漢文帝時有獻千里馬者詔曰鸞旗在前

屬車在後吉行日五十里師行日三十里朕乘千里

之馬獨先安之于是還馬與道里費而下詔曰朕不

愛獻也其令四

畋豈務于馳騁獵以存乎蒐狩未嘗

方母求來獻

合圍掩羣載羽灑血乃強不攫而猛不噬矣然以萬

方入貢懷其來也三年重譯嘉其至也故仁爲之心

有仁則勇威爲之力有威則重況此鳥猛過于衆重

倍于凡禮于君則勸忠祭于祖則立敬壯其體則用

絳其翼則成文彼寵而服之賜也能果榮而戴之

能潔矧乎職命司寇師惟尚文聞箴刺姦擇善

贊語尤秀傑
奇警超絕倫
類

爲○吏○蓋○選○士○之○是○式○匪○從○禽○之○足○云○此○謂○備○于○圖○而○
敵○在○位○也○微○臣○奉○制○敢○稱○贊○曰○
鷹○之○大○者○精○明○竦○峻○勁○而○橫○絕○雄○則○遠○振○錦○文○素○綵○
珠○聯○玉○潤○往○乃○奮○威○將○軍○所○徇○鷹○之○次○者○勇○銳○光○芒○
截○海○而○至○乘○風○載○揚○絡○以○紅○點○文○其○綵○章○下○韞○必○中○
惟○吏○之○良○

張以忠曰鷹微物也說得如許闊涉命想甚高而文
極峻越許公真大手筆也

古今文系

卷九

三

李白與韓荊州書

李白以詩文名世與韓荊

州書寄邁可

喜

韓朝宗玄宗

時為荊州刺

史人皆景慕

之李白與此

書贈炙人口

學者亦不可

不讀

此篇筆氣騷

逸詞調雄豪

尚有少年好

劍術之氣

白聞天下談士相聚而言曰。生不用封萬戶侯。但願

一識韓荊州。荊州刺史韓朝宗也何令人之景慕一至於此。豈

不以周公之風躬吐握之事。使海內豪俊奔走而歸

之。魯世家周公戒伯禽曰。我一沐三握髮。一食三吐哺。起以待士。猶恐失天下之賢人。一登龍

門。則聲價十倍。漢李膺傳。人有被其容接者。謂之登龍門。所以龍蟠鳳逸。

之士。皆欲收名定價於諸侯。收美名定價。君侯不以富貴

而驕之。寒賤而忽之。則三千之中。有毛遂。使白得穎

脫而出。即其人焉。史平原君傳。秦圍邯鄲。趙使平原君求救。合從于楚。約與食客門下有勇力。文武備者二十人。僅得十九人。餘無可取。門下有毛遂者。自薦于平原君。曰。遂聞君將二十人。偕

下有毛遂者。自薦于平原君。曰。遂聞君將二十人。偕

氣殊豪舉

何法可愛不
無近諷

今少一人願以遂備員而行使遂早得處囊中乃脫
穎而出非特末見而已平原君竟與遂偕至楚定從
于殿上平原君已定從而歸曰毛公先生一白隴西
至楚而使趙重千九鼎人皆以為上客也

布衣流落楚漢十五好劍術徧干諸侯三十成文章

歷抵卿相雖長不滿七尺而心雄萬夫身雖小而皆

王公大夫許與氣義此疇曩心跡平昔之心事安敢不盡

於君侯哉君侯制作侔神明德行動天地筆參造化

學究天人幸願開張心顏不以長揖見拒必若接之

以高宴縱之以清談請日試萬言倚馬可待桓溫北

喚蒙公倚馬前作露布文手不輟筆俄今天下以君

成七紙絕可觀王東亭在側歎其才侯為文章之司命人物之權衡一經品題便作佳士

至此方叙所以欲激昂青雲之志

而今君侯何惜階前盈尺之地不使白揚眉吐氣激
昂青雲邪昔王子師爲豫州未下車即辟荀慈明既
下車又辟孔文舉山濤在冀州甄拔三十餘人或爲
侍中尚書先代所美而君侯亦一薦嚴協律入爲秘
書郎中間崔宗之房習祖黎昕許瑩之徒或以才名
見知或以清白見賞白每觀其啣恩撫躬忠義奮發
白以此感激知君侯推赤心於諸賢之腹中所以不
歸他人而願委身國士謂韓荆州倘急難有用敢效微軀
且人非堯舜誰能盡善白謨猷籌畫安能自矜至於
制作積成卷軸則欲塵穢視聽恐雕蟲小伎不合大

長價價字正
與上文聲價

十倍價字相應蓋談士謂一登其門則聲價十倍故願委身國士亦欲長其聲價也

人若賜觀芻蕘請給紙筆兼之書人然後退掃閑軸
繕寫呈上庶青萍結青萍結綠劍名長價於薛卞之門幸
推下流大開獎飾惟君侯圖之

黃庭堅曰太白豪放人中鳳凰麒麟其與韓荊州書
譬如生富貴大雖醉着瞑暗中作無義語
終不作寒乞聲

張以忠曰豪宕疏豁激昂奇爽不可羈勒可謂文如
其人

李華政事堂記

文勢層疊詞
法練捷縱橫
閱聞自有奇
妙處
取以為法

文法五疊句
法高古絕無

庸陋之態中
間連用數箇

不可字遂增
一篇光燭

有氣力有光
焰蓋以忠正

之氣發為侃
侃之辭自是

擔得斤兩文
字熟此便能

君不可以枉道于天。反道于地。覆道于社稷。無道于
黎元。此堂得以議之。臣不可以悖道于君。逆道于人。
黷道于貨。亂道于刑。尅一方之命。變王者之制。此堂
得以易之。兵不可以擅興。權不可以擅與。貨不可以
擅蓄。王澤不可以擅奪。君恩不可以擅開。私讐不可
以擅報。公爵不可以擅私。此堂得以誅之事。不可以
輕入。重罪不可以生。入死法不可以剥。害于人財不
可以擅加。于賦情不可以委之。于倖亂不可以啓之。
于萌伐。吝賞。削系不封。聞荒不救。見饑不矜。逆諫

豪邁

有關係文字

登斯堂者能

不凜上

故伊尹數句

是總上意法

以文法自異

前俱以天子

之法宋復惕

以後世之名

目賢違道傷古。此堂得以殺之故。曰廟堂之上。樽俎
之前。有兵有刑。有挺有刃。有斧鉞有醢毒。有夷族有
破家。登此堂者。得以行之。故伊尹放太甲之不嗣。周
公逐管蔡之不義。霍光廢昌邑之亂。梁公狄仁正廬
陵之位。自君弱臣強之後。宰相主生殺之柄。天子揜
九重之耳。燮理化為權衡。論思變成機務。傾身禍敗
不可勝數。列國有傳。青史有名。可以為終身之戒。

敖 鯢曰此文大露鋒鏘無古人渾厚意然其詞慷慨

慨激烈讀之可使忠直生氣

張以忠曰烈日嚴霜使人心目凜凜

弔古戰場文

此篇形容戰場悽慘之情溢于言外

此言戰爭所由起文教失宣數句亦有關係

浩浩乎平沙無垠。夏不見人。夏遠也河水縈帶。群山糾紛。黯兮慘悴。風悲日曛。蓬斷草枯。凜若霜晨。鳥飛不下。獸挺亡群。亭長告余曰。此古戰場也。常覆三軍。往往鬼哭。天陰則聞。傷心哉。秦歟。漢歟。將近代歟。吾聞夫齊魏徭戍。荆韓召募。以財召兵。萬里奔走。連年暴露。言暴露。于日而宿。沙草晨牧。河水夜渡。地濶天長。不知歸路。于露之中。寄身鋒刃。膈臆。意不誰訴。秦漢而還。多事四夷。中州耗斁。無世無之。古稱戎夏不抗。王師文教。失宣武臣。用奇奇兵。有異於仁義。王道迂濶。而莫為嗚呼。噫嘻。

此言戰士之所由甚言主將之害

法重心駭威尊命賤直善寫軍士之怨

此言天時苦寒直說凄慘

處

此言胡運當輜重

輜重

輜重

輜重

吾想夫北風振漠胡兵伺便主將驕敵期門受戰野

豎旄旗川迴組練楚子重伐吳組甲三百破練也法重

心駭威尊命賤利鏃矢木也穿骨驚沙入面主客相搏

山川震眩聲析江河勢崩雷電至若窮陰凝閉凜冽

海隅積雪沒脛堅冰在鬚驚鳥休巢征馬踟躕行不

進之貌繒繡無溫繒繒帛之粗者繡繡絮之細者墮指裂膚當此苦寒天

假強胡憑陵殺氣以相剪屠徑截輜重軍裝什物雜用而載之曰

輜重橫攻士卒都尉親降都尉軍門之官也將軍復沒

屍填巨港之岸宋史端宗景炎三年遷于崖山造軍屋千餘間行宮正殿曰慈元楊太后

居之升廣州為鳳翔府時官民兵尚有二十餘萬多

居于舟資糧于廣夜有大星南流隕海小星千餘隨

宋史事借釋

本文

此言戰敗然

且言其大槩

鼓衰力盡以

下始詳言之

按唐人詩云

澤國山河入

戰國生民何

計樂樵蘇憑

君莫話封侯

事一將功成

萬骨枯夫戰

勝功成所喪

已多况將沒

率斃同為朽

骨謂之何哉

已下言歷代

之其聲如雷數刻乃止次夜舟于港口颶風大作舟
倂相撞破壞千艘士卒盡溺死屍流入填塞巨港

血滿長城之窟無貴無賤同為枯骨可勝言哉鼓衰

兮力盡矢竭兮絃絕白刃交兮寶刀折兩軍感兮生

歎決降矣哉終身夷狄戰矣哉骨暴沙磧鳥無聲兮

山寂寂夜正長兮風淅淅冤魄結兮天沉沉鬼神聚

兮雲幕幕日光寒兮草短月色苦兮霜白傷心慘目

有如是邪吾聞之牧用趙卒牧李牧趙之良將也大破林胡開

地千里遁逃匈奴漢傾天下財殫力痛任人而已其

在多乎周逐玁狁北狄名北至太原既城朔方全師而

還飲至策勲左隱公五年三年而治兵入而振旅歸而飲至以數軍實和樂且閑

用兵得失因

叙其民生家

室之情及悲

傷之意令人

惻然

歷述其父母

兄弟夫婦之

情尤痛切

守在四夷句

意無限言只

當守不當戰

也

穆穆棣棣。君臣之間。秦起長城。竟海爲關。荼毒生靈。

萬里朱殷。

左成公二年左輪朱殷注朱血也久則殷

漢擊匈奴。雖得陰山。

枕骸遍野。功不補患。蒼蒼烝民。誰無父母。提携捧負。

畏其不壽。誰無兄弟。如足如手。誰無夫婦。如賓如友。

生也何恩。殺之何咎。其存其沒。家莫聞知。人或有言。

將信將疑。悄悄

憂思貌或作娟娟

心目寢寐見之。布奠傾觴。

哭望天涯。天地爲愁。草木淒悲。弔祭不至。精魂何依。

必有凶年。人其流離。嗚呼噫嘻。時邪命邪。從古如斯。

爲之奈何。守在四夷。

茅 坤曰說軍士戰爭之苦陳亡之慘誠仁人君子

所不忍聞也故聖人貴不戰而屈人兵上
兵伐謀其次伐交其下攻城正有見乎此
耳

張以忠曰形容戰士之苦摹擬曲盡令人酸鼻痛心
不堪多讀

今文

卷九

三

一年兩河盜
起屠囚大至
劫戮二千石
國家不議誅
洗東兵自守
反修大曆貞
元故事而行
姑息之政是
使逆輩益橫
終唱患禍故
作守論焉

杜牧守論

厥今天下何如哉。干戈朽。鈇鉞鈍。含弘混貸。煦育逆孽。殆爲故常。而執事大人。曾不歷筭周思。以爲宿謀。方且鬼岸抑揚。自以爲廣大繁昌。莫已若也。嗚呼。其不知乎。其俟蹇頓顛仆。而後爲之支計乎。且天下幾里。列郡幾所。而自河以北。蟠城數百。金堅蔓織。角奔爲寇。俟吾人顛賴。天時不利。則將與其朋伍。駭亂吾民。于掌股之上。今者及吾之壯。不圖擒取。乃偷處恬逸。以爲後世子孫。昔脅疽根。此復何也。今之議者。咸曰。夫倔強之徒。吾以良將勁兵。以爲御策。高位美爵。

養亂之本全
在此

僭擬益甚侈
心益昌

充飽其腸安而不撓外而不拘亦猶豢擾虎狼而不
拂其心則忿氣不萌此大曆貞元所以守邦也何必
疾戰焚煎吾民然後爲快也愚曰大曆貞元之間適
以此爲禍也當是之時有城數十千百卒夫則朝廷
貸以法故于是乎闊視大言自樹一家破制削法角
爲尊奢天子養威而不問有司守恬而不呵王侯通
爵越錄受之覲聘不來幾杖扶之逆息虜胤皇子嬪
之裝綠采飾無不備之是以地益廣兵益彊僭擬益
甚侈心益昌于是土田名器分割殆盡而賊夫貪
未及畔岸淫名越號走兵四畧以飽其志趙魏燕秦

此是守邦之術當時議者未之深思而循大曆貞元之政謬矣

同日而起。梁蔡吳蜀。躡而和之。其餘混潁。軒囂。欲相效者。往往而是。運遭孝武。前英後傑。夕思朝議。故能大者誅鋤。小者惠來。不然。周秦之郊。幾爲犯獵哉。大抵生人。油然多欲。欲而不得。則怒。怒則爭。亂隨之。是以教筭于家。刑罰于國。征伐于天下。裁其欲而塞其爭也。大曆貞元之間。反此提區區之有。而塞無涯之爭。是以首尾指支。幾不能相運掉也。今者不知此。非而反用以爲經。愚見爲盜者。非止于河北而已。嗚呼。大曆貞元守邦之術。永戒之哉。

敖

鯤曰。感憤時事。意甚剴切。而詞亦謹嚴。可爲論

式

張以忠曰說朝廷姑息養亂豪爽激宕意多傷感

唐制八衛各
有左右曰左

右衛曰驍衛
曰武衛曰威

衛曰領軍曰
金吾曰監門

曰千牛共十
六衛自左右

衛至領軍並
掌官禁宿衛

金吾掌宮中
京城警監門

官諸門禁衛
千牛掌侍衛

凡三府外府
之番上者十

二衛受其各
傳而配以職

除監門千牛
凡左右四衛

原十六衛

國家始踵隋制開十六衛將軍總三十員屬官總一
百二十八員署守分部夾峙禁省厥初歷今未始替
削然自今觀之設官言無謂者其十六衛乎本原事
跡其實天下之大命也始自貞觀中既武遂文內以
十六衛畜養武臣裴公鄂公之徒外開折衝果毅府
五百七十四以儲兵伍或有不幸方二三千裡為寇
土數十百萬人為寇兵蠻夷戎狄踐踏四作此時戎
臣當提兵居外至如天下平一暴敎音勃消削單車一
符將命四走莫不信順此時戎臣當提兵居內當其

不須故但十

一衛每世萬

人子為六番

番者更代宿

衛也

古者兵法起

于井田唐府

三寓之于農

居處教養畜

財持事動作

休息皆有節

日雖不盡今

古法蓋得其

大意焉又屢

受其利片兵

續為時時

時時為之

其末之變

兵之變

古者兵法

居內也官為將軍綬有朱紫章有金銀千百騎趨奉

朝謁第觀車馬歌兒舞女念功賞勞出於曲賜所部

之兵散舍諸府上府不越一千二百人五百七十四

萬人三時耕稼襍穡未一時治武騎劍兵矢裨衛

以課父兄相言不得業他籍藏將府伍散田畝力解

勢破人人自愛雖有蚩尤為師雅亦不可使為亂耳

及其當居外也緣部之兵被檄乃來受命於朝不見

妻子斧鉞在前爵賞在後以首爭首以力搏力飄暴

交梓梓音豈暇異略雖有蚩尤為師雅亦無能為叛也

自貞觀至于開元末百三十年間或臣兵伍未始逆

府兵之法自
張說募兵宿
衛號曰彍騎
而一壞至後
折衝諸府無
兵可交李林
甫遂停上下
魚書徒有兵
一六軍皆市
人不能受甲
而再壞更此
二壞高祖太
宗之盛不復
睹矣

纂此聖人所能柄統輕重制障表裏聖筭神術也至
于開元末愚儒奏章曰天下文勝矣請罷府兵詔曰
可武夫奏章曰天下力強矣請搏四夷詔曰可於是
府兵內割邊兵外作戍臣兵伍湍奔矢往內無一人
矣起遼走蜀繚絡萬里事五強寇奚契丹吐蕃雲南大石國十餘
年中亡百萬人尾大中乾成燕偏重土去聲而天下掀然
根萌熅燃七聖盱食求欲除之且不能也繇此觀之
戎臣兵伍豈可一日使出落鈴鍵哉然為國者不能
無也居外則叛韓燕七國近者居內則纂卓莽曹馬
使外不叛內不纂兵不離伍無自焚之患將保頸領

置府立衛自
周以來未有
善焉者非過
論也

唐失政如此
安得不亂亡

痛言方鎮之
禍正見十六
衛府兵之善

無烹狗之論。古今已還。法術最長。其置府立衛乎。近
代已來。於其將也。弊復爲甚也。人囂曰。廷詔命將矣。
名出視之。率市兒輩。蓋多賂金玉。負倚幽陰。折券交
貨所能也。絕不識父兄禮義之教。復無慷慨感繫之
氣。百城千里。一朝得之。其強傑懷教者。則撓削法制。
不使縛已。斬族忠良。不使違已。力壹勢便。罔不爲寇。
其陰泥去聲巧狡者。亦能家筭口歛。委於邪倖。繇鄉市
公去郡。得都四履所治。指爲別館。或一夫不幸而壽。
則憂割生人。略市天下。是以天下每每兵亂。涌溢齊
人。乾耗鄉黨。風俗淫窳。衰薄教化。恩澤雍抑。不下召

武德貞觀之
得開元天寶
之失可爲末
鑑

來災殄被及牛馬嗟乎自愚而知之人其盡知之乎
且武者任誅如天時有秋文者任治如天時有春是
天不能倒春秋是豪傑不能總文武是此輩受鉞誅
暴乎曰於是乎在某人行教乎曰於是乎在欲禍蠹
不作者未之有也伏惟文皇帝十六衛之旨誰復而
原其實天下之大命也故作原十六衛

歐陽修曰初府兵之置居無事則命將以出事解輒
罷兵散于府將歸于朝故士不失業而將
師無握兵之重所以防微漸絕禍亂之萌
也及府兵法壞而方鎮盛武夫悍將雖無

事時據要險專方面既有其土地又有其
人民又有其甲兵又有其財賦以布列天
下然則方鎮不得不疆京師不得不弱故
曰措置之勢使然

張以忠曰太宗秘算雄圖用兵之妙非歷代帝王所
及故兵事籌畫尤精府兵雖仍魏周及隋
之舊而立法之善最爲近古子孫變其制
亂不旋踵豈非尾大不掉之驗而復祖宗
之制剪方鎮之逆此是聖子神孫之責烏
得不一寘慮此篇意極憂憤採世之文



